

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZAVIDOVIĆIMA
Broj: 42 0 K 054647 21 Kps
Zavidovići, 28.09.2021.godine

U IME FEDERACIJE BOSNE I HERCEGOVINE!

Općinski sud u Zavidovićima, sudija Uzeir Kalabić, kao sudija za prethodno saslušanje, uz sudjelovanje zapisničara Čahtarević Halime, u krivičnom predmetu protiv optuženog D.D., sin S., iz Z., zbog krivičnog djela produženo krivično djelo zloupotreba položaja ili ovlaštenja iz čl. 383 st. 2 u vezi sa stavom 1 KZ FBiH, a sve u vezi sa čl. 55 KZ FBiH, po optužnici Kantonalnog tužilaštva Ze-Do kantona Zenica br. T04 0 KTK 0040860 19 od 26.03.2021. godine, na ročištu za razmatranje sporazuma o priznanju krivnje, održanom dana 28.09.2021.godine, kojem su prisustvovali KT Zenica Saletović Admir, optuženi i branilac optuženog, advokat S.M., advokat iz Z., nakon prihvatanja sporazuma o priznanju krivnje, istog dana donio je i javno objavio sljedeću:

P R E S U D U

Optuženi D.D. zvan „K.“, sin S. i majke. S. rođene P., rođen godine u Z., nastanjen u Z. nezaposlen, neoženjen, završio SSS - gimnazija, zaposlen u C.M.d.o.o. Z. Bošnjak, državljanin BiH,

K r i v j e

Što je

U vremenskom periodu od 11.04.2019. godine do 31.07.2019. godine, u Zavidovićima, u svojstvu odgovorne osobe u Federaciji, kao zaposlenik u „U“. Mostar, na radnom mjestu „Bankar za transakcijsko poslovanje u maloprodaji“, u Segmentu poslovanja sa stanovništvom, R. Zenica, , s ciljem da sebi pribavi imovinsku korist, suprotno interesima banke i klijenata banke i suprotno zadacima svog radnog mjesta svjesno prekoračio granice svojih službenih ovlaštenja uređenih tačkom 6.9. Odluke o sistematizaciji zanimanja u organizacijskim jedinicama broj 04-1-3388-29/2019 od 21.05.2019. godine i Odlukom o klasifikaciji i opisu poslova za navedeno radno mjesto upisano pod šifrom 3419.03.91, znajući da je prema istim bio ovlašten da samostalno obavlja transakcijsko poslovanje unutar striktno definiranih procedura i postupaka tako što obavlja gotovinske i bezgotovinske transakcije isključivo po nalogu klijenata banke, pa je svjesno bez naloga, znanja i ovlaštenja klijenata banke i znajući da će na taj način prouzrokovati štetu banci, vršio isplate pojedinačnih novčanih iznosa sa njihovih transakcijskih bankovnih računa a koje iznose je zadržavao za sebe, a sve na način da je:

- Sa transakcijskog bankovnog računa klijenta banke B.B. broj 4017310000 izvršio za sebe isplate u ukupnom iznosu od 20.900,00 KM i to:

- dana 11.04.2019. godine isplatu iznosa od 350,00 KM,
- dana 22.04.2019. godine isplatu iznosa od 1.400,00 KM,
- dana 30.04.2019. godine isplatu iznosa od 700,00 KM,
- dana 06.05.2019. godine isplatu iznosa od 2.000,00 KM,
- dana 08.05.2019. godine isplatu iznosa od 500,00 KM,
- dana 22.05.2019. godine isplatu iznosa od 650,00 KM,
- dana 30.05.2019. godine isplatu iznosa od 600,00 KM,
- dana 03.06.2019. godine isplatu iznosa od 300,00 KM,
- dana 06.06.2019. godine isplatu iznosa od 1.600,00 KM,
- dana 13.06.2019. godine isplatu iznosa od 2.700,00 KM,
- dana 18.06.2019. godine isplatu iznosa od 400,00 KM,
- dana 21.06.2019. godine isplatu iznosa od 400,00 KM,
- dana 24.06.2019. godine isplatu iznosa od 600,00 KM,
- dana 01.07.2019. godine isplatu iznosa od 1.300,00 KM,
- dana 03.07.2019. godine isplatu iznosa od 2.000,00 KM,
- dana 12.07.2019. godine isplatu iznosa od 2.000,00 KM,
- dana 17.07.2019. godine isplatu iznosa od 1.300,00 KM,
- dana 23.07.2019. godine isplatu iznosa od 800,00 KM,
- dana 29.07.2019. godine isplatu iznosa od 1.000,00 KM,
- dana 31.07.2019. godine isplatu iznosa od 300,00 KM,

- Sa transakcijskog bankovnog računa klijenta banke H.F. broj 40351622000 izvršio za sebe isplate u ukupnom iznosu od 890,00 KM i to:

- dana 20.06.2019. godine isplatu iznosa od 590,00 KM,
- dana 26.06.2019. godine isplatu iznosa od 300,00 KM.

na koji način je sebi pribavio imovinsku korist u ukupnom iznosu 21.790,00 KM i „U“ d.d. Mostar, nanio štetu u istom iznosu, da bi nakon što su njegove neovlaštene radnje otkrivene od strane odgovornih osoba u „U“ d.d. Mostar, i nakon što je ova banka namirila štetu imenovanim klijentima, izvršio vraćanje banci imovinske koristi kroz izvršene uplate banci,

dakle, kao odgovorna osoba u Federaciji prekoračivši granice svoje službene ovlasti pribavila sebi imovinsku korist koja prelazi 10.000,00 KM i drugom nanio štetu,

čime je počinio produženo krivično djelo zloupotreba položaja ili ovlaštenja iz člana 383. stav 2. u vezi sa stavom 1. KZ FBiH, a sve u vezi sa članom 55. KZ FBiH,

pa mu sud, primjenom odredbi naprijed navedenih članova, te članova 49, 59, 60 i 62 KZ FBiH, kao i čl. 246 KZ FBiH i čl. 300 ZKP FBiH i z r i č e

UVJETNU OSUDU

Kojom se optuženom utvrđuje kazna zatvora u trajanju od 1 (jedne) godine i istovremeno određuje da se ista neće izvršiti, ako optuženi, u roku od 3 (tri) godine, od dana pravosnažnosti ove presude, ne učini novo krivično djelo.

Optuženi se obavezuje da na ime paušala plati iznos od 50,00 KM, u roku od 8 dana od dana pravosnažnosti presude, pod prijetnjom prinudnog izvršenja.

O b r a z l o ž e n j e

Kantonalno tužilaštvo ZE-DO kantona Zenica, optužnicom broj T04 0 KTK 0040860 19 od 26.03.2021. godine, optužilo je D.D.iz Z. zbog osnovane sumnje da je počinio produženo krivično djelo zloupotreba položaja ili ovlaštenja iz čl. 383 st. 2 u vezi sa stavom 1 KZ FBiH, a sve u vezi sa čl. 55 KZ FBiH.

Sudija za prethodno saslušanje Općinskog suda u Zavidovićima potvrdio je u cjelosti navedenu optužnicu dana 05.04.2021.godine i dostavio KT Zenica i optuženom.

Sud je zakazao ročište radi izjašnjenja optuženog o krivnji, za dan 28.09.2021.godine, na kojem ročištu je Kantonalno tužilaštvo ZE-DO kantona Zenica, uložilo u spis pisani Sporazum o priznanju krivnje broj T04 0 KTK 0040860 19 od 27.04.2021.godine, zaključen između Kantonalnog tužilaštva ZE-DO kantona Zenica, optuženog i branioca optuženog, te je sud na tom ročištu razmotrio uloženi sporazum o priznanju krivnje.

Postupajući u skladu sa čl. 246. st. 4. ZKP FBiH sudija za prethodno saslušanje je prvo provjerio sadržinu sporazuma o priznanju krivnje i utvrdio da su kantonalni tužilac KT ZE-DO kantona Zenica i optuženi, dana 27.04.2021. godine, sačinili pisani Sporazum o priznanju krivnje broj T04 0 KTK 0040860 19 od 27.04.2021.godine, kojim optuženi priznaje krivnju za produženo krivično djelo zloupotreba položaja ili ovlaštenja iz čl. 383 st. 2 u vezi sa stavom 1 KZ FBiH, a sve u vezi sa čl. 55 KZ FBiH, za koje je optužen optužnicom Kantonalnog tužilaštva ZE-DO kantona, broj T04 0 KTK 0040860 19 od 26.03.2021. godine i pristaje da mu se za navedeno krivično djelo, utvrdi kazna zatvora u trajanju od 1 (jedne) godine i istovremeno određuje da se ona neće izvršiti ukoliko optuženi u roku od 3 godine, od dana pravosnažnosti ove presude ne počini novo krivično djelo.

Sadržinu prednjeg pisanog sporazuma o priznanju krivnje, tužilac i optuženi potvrdili su na ročištu, pred sudijom za prethodno saslušanje.

Razmatrajući dalje sporazum o priznanju krivnje, sudija za prethodno saslušanje je utvrdio slijedeće: da je optuženi sporazum o priznanju krivnje sačinio dobrovoljno, svjesno i sa razumijevanjem, kao i nakon upoznavanja od strane tužioca o mogućim posljedicama, uključujući i posljedice vezane za imovinskopravni zahtjev i troškove krivičnog postupka; da postoji dovoljno dokaza o krivnji optuženog; da optuženi razumije da se sporazumom o

priznanju krivnje odriče prava na suđenje i da ne može uložiti žalbu na krivičnopravnu sankciju koja će mu se izreći, te da je predviđena krivičnopravna sankcija u skladu sa čl. 246. st. 3. ZKP FBiH.

Po nalaženju sudije, krivnju optuženog za učinjeno krivično djelo dovoljno osnovano potvrđuju slijedeći dokazi: Zapisnik o ispitivanju osumnjičenog D.D. Federalna uprava policije, Detašman Zenica broj 12/3-384/20 od 13.10.2020. godine; Zapisnik o saslušanju svjedoka A.M., Federalna uprava policije, Detašman Zenica broj 12/3-203/20 od 17.06.2020. godine; Zapisnik o saslušanju svjedoka J.A. Federalne uprave policije, Terenski ured Tuzla broj 14-63/20 od 28.04.2020. godine; ovjerena kopija Ugovora o radu na neodređeno vrijeme broj 04-1-60-3-749/2014 od 22.01.2014. godine s izvodom Odluke o klasifikaciji opisa poslova, Ovjerena kopija Aneksa Ugovora o radu broj 04-1-15-267/15 od 30.06.2015. godine, broj 04-1-129-143/16 od 29.01.2016. godine sa izvodom Odluke o klasifikaciji opisa poslova i broj 04-1-63-416/18 od 21.03.2018. godine, ovjerena kopija Akta „U“ d.d. Mostar broj 06-2-93-19-1/20 od 30.03.2020. godine sa prilogom izvod iz Odluke o klasifikaciji opisa poslova za radno mjesto „Bankar za transakcijsko poslovanje“ upisano pod šifrom 3419.03.91, Ovjerena kopija Odluke o sistematizaciji zanimanja u organizacijskim jedinicama broj 04-1-3388-29/2019 od 21.05.2019. godine tačka 6.9. Poslovnica, Ovjerena kopija Akta „U“ d.d. Mostar, „Izvešće o provedenoj istrazi“ od 07.08.2019. godine, Ovjerena kopija Akta „U d.d. Mostar, pod nazivom „Izvešće o provedenoj istrazi – dopuna 14.08.2019“ od 07.08.2019. godine, Ovjerena kopija Odluke „U“ d.d. Mostar o pokretanju postupka za utvrđivanje odgovornosti broj 04-1-5323/19 od 21.08.2019. godine, Ovjerena kopija Zapisnika Komisije „U“ d.d. Mostar za utvrđivanje povrede radne obaveze od 04.09.2019. godine, Ovjerena kopija Zapisnika o vijećanju i glasanju Komisije „U“ d.d. Mostar za utvrđivanje povrede radne obaveze od 04.09.2019. godine, Ovjerena kopija Odluke „U“ d.d. Mostar o otkazu Ugovora o radu zbog teže povrede radnih obaveza broj 04-1-5606/19 od 09.09.2019. godine, Isplatni listić „U“ d.d. Mostar ID blagajne ZA01/B/W000994 o isplati novčanog iznosa od 300,00 KM sa računa klijenta banke H.F. od 26.06.2019. godine, Ovjerena kopija Analitičke kartice „U“ d.d. Mostar za račun klijenta banke H.F. broj 40351622000 za period 01.01.19.-24.09.19. od 24.09.2019. godine, Akt „U“ d.d. Mostar pod nazivom „Konfirmacija salda“ za klijenta banke H.F. od 24.09.2019. godine, Ovjerena kopija Odluke „U“ d.d. Mostar o namirenju štete broj DR-ZA01-018/2019 od 07.08.2019. godine, Ovjerena kopija Analitičke kartice „U“ d.d. Mostar za račun klijenta banke B.B. broj 40173100000 za period 01.01.19.-20.08.19. od 20.08.2019. godine, Ovjerena kopija Akta „U“ d.d. Mostar pod nazivom „Konfirmacija salda“ za klijenta banke B.B. od 20.09.2019. godine, Ovjerena kopija Odluke „U“ d.d. Mostar o nadoknadi štete broj 04-1-7666/19 od 06.12.2019. godine, Uplatnica na ime D.D. sa svrhom uplate „Uplata štete po Odluci broj 04-1-7666/19“ na račun broj 40273711036 na iznos od 20.900,00 KM, Ovjerena kopija Analitičke kartice „U“ d.d. Mostar za račun klijenta banke D.D. broj 40273711036 za period 01.01.19.-12.12.19. od 12.12.2019. godine i Izvod iz kaznene evidencije za optuženog.

Optuženi priznaje krivicu, tj. izvršenje krivičnog djela, koje mu se stavlja na teret, a njegovo priznanje je u cjelosti potvrđeno svim dokazima u spisu.

Pošto su ispunjeni svi uvjeti iz čl. 246. ZKP FBiH, sudija za prethodno saslušanje je prihvatio sporazum tužioca i optuženog o priznanju krivnje broj T04 0 KTK 0040860 19 od 27.04.2021.godine.

Na osnovu iskaza stranaka i uvida u zapisnik o razmatranju sporazuma o priznanju krivnje, sudija je utvrdio da su se stekli uvjeti da se optuženom izrekne krivičnopravna sankcija predviđena sporazumom o priznanju krivnje, broj T04 0 KTK 0040860 19 od 27.04.2021.godine, pa je na istom ročištu donio i javno objavio presudu kojom se optuženom za produženo krivično djelo zloupotreba položaja ili ovlaštenja iz člana 383. stav 2. u vezi sa stavom 1. KZ FBiH, a sve u vezi sa članom 55. KZ FBiH, utvrđuje kazna zatvora u trajanju od jedne godine i istovremeno određuje da se ona neće izvršiti ukoliko optuženi u roku od 3 godine od dana pravosnažnosti ove presude ne počini novo krivično djelo.

Sud nalazi da će se izrečenom krivičnopravnom sankcijom - uvjetnom osudom, ostvariti svrha kažnjavanja iz čl. 42. KZ FBiH.

Shodno članu 202 st. 1 ZKP FBiH, optuženi je obavezan da na ime troškova krivičnog postupka, na ime paušala, plati iznos od 50,00 KM, sve u roku od 8 dana od dana pravosnažnosti presude, pod prijetnjom izvršenja.

Zapisničar
Čahtarević Halima

Sudija za prethodno saslušanje
Uzeir Kalabić

POUKA: Protiv ove presude može se izjaviti žalba Kantonalnom sudu u Zenici, u roku od 15 dana od prijema prijepisa presude. Žalba se podnosi putem ovog suda u 3 primjerka. Protiv odluke o krivičnopravnoj sankciji optuženi ne može izjaviti žalbu.